

度

支

奏

議

度支奏議目錄

新餉司六卷

覆廣東撫按題遼餉完欠數

覆戶科題覈新餉入數疏

覆總漕題淮揚那借遼餉漕折疏

題發延綏援兵贍家新餉疏

覆餉院題山陝新餉免抵舊餉疏

覆督師題各鎮兵馬錢糧經制疏

覆督師請發皮襖疏

回奏提解銅商弄義疏

覆蘇松按院留銀買運遠餉疏

皮襖銀兩認解一半疏

度支奏議卷之六

太子少保戶部尚書淄青畢自嚴視草

覆廣東撫按題遼餉完欠疏

題爲榆關軍需愈急省直徵解愈緩謹循例截叅
以懲怠誤以信

功令事專理新餉山東清吏司案呈崇禎二年五
月初八日奉本部送戶科抄出兩廣總督王尊
德奏前事等因本年閏四月二十八日奉

聖旨戶部知道欽此又該廣東巡按御史吳尚默奏

同前事本年五月十三日奉

聖旨戶部知道欽此欽遵通抄到部送司案查崇禎
元年十一月內該本部題覆督餉御史錢士貴
題叅未完遼餉查得廣東肇慶府署印推官陶
爽齡韶州府樂昌縣署印理問楊去驕各止完
四分廣州府新安縣知縣俞承芳止完三分潮
州府知府馬鳴霆惠州府博羅縣知縣蘇元起
龍川縣知縣宋奎光各止完二分惠州府署印
推官李學元興寧縣知縣賴惟嶽廣州府南海

縣知縣駱方壘新會縣知縣黃師夔各止完一
分瓊州府知府陳龍可完不及一分廣州府二
水縣知縣蔣獻奇龍門縣知縣任可受陽山縣
知縣王明選韶州府曲江縣知縣胡光嗣惠州
府和平縣知縣尹應簡潮州府潮陽縣知縣陳
國紀饒平縣知縣戈尚友大埔縣知縣來惟觀
平遠縣知縣金一鰲肇慶府廣寧縣知縣張邦
柱陽江縣知縣李右謙高州府化州知州胡繼
銓雷州府徐聞縣知縣郭壽峻廉州府靈山縣

知縣黃學元瓊州府儋州知州高葵卿萬州知

州毛一公崖州知州王可宗澄邁縣知縣林泰

聖臨高縣知縣葉燿定安縣知縣伍登龍會同

縣知縣譚文薦陵水縣知縣楊文璧各分毫未

解至今全欠又惠州府海豐縣河源縣長樂縣

潮州府海陽縣程鄉縣惠來縣澄海縣肇慶府

德慶州高要縣開建縣高州府吳川縣雷州府

海康縣遂溪縣瓊州府瓊山縣文昌縣昌化縣

感恩縣以上各州縣亦俱分毫未解例應叅罰

題將未完二分以上者俱令任俸督催停其陞
考俟年終撫按

奏報完日具題開復不完者該撫按徑將各州縣
分別欠數多寡列名上

聞并司府一并議罰等因題奉

欽依通行遵照去後今據該撫按回

奏前來查得該省每歲額該加派田畝遼餉銀二
十三萬一千一百七十八兩六錢二分二釐零

除天啓七年以前盡數完解外崇禎元年俱已

照數全完崇禎二年亦俱預解完訖布政使
問禮勤勞急公委屬可嘉該撫按請將本官
河南布政張夢鯨事例紀錄優擢相應依擬其
各州縣已完者原任俸糧卽應開復具覆等因
案呈到部該臣等看得邊圉之最棘者無如遼
事遼事之最急者無如遼餉故督餉臺臣與臣
部矢肩勞怨凜持

功令以問省直之完欠誠非得已如能徵解迅速
新舊盡完不難易懲爲勸倘因循怠玩逋欠如

故定不能爲諸臣貸也查廣東原屬財賦之區
關寧轉輸倚望最切去歲餉臣以該省元年額
餉未完臚列入告已該臣部覆將各州縣槩行
任俸并停陞考今該省布政使陸問禮鼓舞勸
輸克殫心力各州縣亦奉行惟謹徵解蚤完卽
有地瘠兵荒亦已代爲那解備查該省餉銀不
惟元年者毫無遺逋卽二年者俱已通完到部
查該省距京獨遠而完解獨先使憂

國奉公盡如此官又何虞餉額之匱乏哉新經戶

科都給事中解學龍題稱布政司急公獨先
應與破格優轉督餉御史錢士貴題稱各布政
司完解獨先者當特加優擢若不重加旌揚何
以信

功令而勸賢能也合如撫按議將本官照河南布
政張夢鯨例移文吏部紀錄從優陞擢以示激
勸其各州縣餉旣全完俸應開復至於平遠縣
海豐縣崖州文昌縣雖云地瘠兵荒藩司爲之
代解然錢糧未完豈能槩從寬假合照舊任俸

請催俟撫按報有完文到日另行開復庶激勸
不爽而群工競勵矣既經具奏前來相應覆

請恭候

命下臣部行文吏部并兩廣總督及都察院轉行廣
東巡按御史遵奉施行

崇禎二年七月初二日具

題初五日奉

聖旨布政司總轄錢糧若肯那緩就急邊餉何憂不
克陸問禮元二年遼餉俱完准紀錄以勵急公未

完州縣仍著任俸督徵該衙門知道欽此

覆戶科題覈新餉入數疏

題爲餉額日匱供億難繼乞

勅限定出入之數并

勅限嚴考成之法以裕

國計事專理新餉山東清吏司案呈崇禎二年四

月二十五日奉本部送戶科抄出該戶科都給

事中解學龍等題前事本年四月二十二日奉

聖旨足餉先定額數這新舊出入內外奏報及嚴限

考成會查給繇等事着卽與覆行省直布政知府

一體擇人有不稱的該科撫按糾舉不必會
部知道欽此隨該本部開列新餉出數欵項具
奉

聖旨督師前奏裁餉以四百八十萬爲則茲據減舊
額七十餘萬已見實效嗣有節減卽行扣額集餉
贍兵你部益務相成這所奏知道了欽此又於本
年六月二十七日奉本部送戶科抄出該戶科
都給事中解學龍題爲

皇上責望甚殷微臣敷奏無策謹陳所當急行之法

所當急覈之蠹所當急軫之地所當急用之人
臚列

上聞仰祈採擇事奉

聖旨諸款據職掌條奏於國計殊有關切錢糧出入
數目着速行磨勘額外充餉銀兩查算明白前量
動支餉司稽覈已有旨銅鉛積欠奉旨三月內到
局如何至今尚稽着該撫按自行回奏泰晉軫恤
事宜該督撫便宜處置務俾兵荒有備地方安戢
該部知道欽此欽遵抄出到部送司案呈到部除

銅鉛積欠已經移文撫按自行回

奏并事屬邊餉另查覆奏外其新餉入數相應具
覆案呈到部該臣等看得遼餉出浮於入自天
啓三年前任尚書李宗延具有遼餉虧額已錄
一疏已稱缺額一百八十六萬有奇簡查舊案
年年告匱甚至缺額二百餘萬昨歲臣部復奉
聖諭查造簡明文冊約畧其數亦缺至一百二十五
萬有奇臣初受度支事心竊憂之而不能無疑
一疑其缺之數何以倏多倏少也再疑其入數

缺矣何以出數仍歸足額不至如舊餉之積欠
累月悠悠難結也今荏苒承乏已及一載局中
滋味甘苦自知見前此年分關鎮請餉之文有
此月多而彼月少此月少而彼月多者是此月
已不知彼月之數也有逐月請討業已如數兌
發而復於數月後申請找補者是此月尚不知
此月之數也不能計月何以計年故冊內皆言
約數况乎約數之外如所謂犒賞行糧廩鹽等
項名色紛紛不一而足益以省直多事借留不

常而款項愈游移矣缺數之條多俟其
省直開徵舊餉多在本年秋冬而新餉成例於
本年冬月卽預徵來年春月銀兩如本年冬
不敷隨卽以春月預徵銀補之是本年透用明
年之餉也新餉叅罰較嚴故帶徵銀兩亦多零
星解到以應眼前之用是本年追用往年之餉
也勉強支持全恃此通融接濟况前此

內帑充盈每遇陳

請輒沛發數十萬又北直召買以遼東舊餉之故動

支京邊相抵多寡不等而諸臣爲

國籌邊多方建議如舊歲科臣劉安行條議臨德
二倉改折除拖欠行催外亦已先獲十餘萬之
用且各處逆賊變產等項特蒙

皇上允發充餉凡此皆在新餉入額之外者也邊餉
之缺而不缺者此也臣初不得其故而心憂及
深試之得其故而憂愈甚則以目前補苴終非
長策耳茲幸清汰之後出額已減七十餘萬合
盤打筭歲出本折共支銀五百一十三萬八百

八十六兩九錢六釐詳載出額前疏中未敢
贅今殫累月之搜羅銷銖而積累之以崇禮
年爲始歲入共該銀五百一十六萬零五百兩
十八兩三錢九分四釐九毫較之出數尚溢
二萬九千六百七十一兩四錢八分八釐九毫
謹如科臣解學龍議恭造新餉入數款項開呈
御覽臣非能額天雨粟額地湧金也亦惟是額虛
實之則昔日懸空之雜項至今日而有着落
額分者還之則昔日坐留之島餉交餉多用

登餉題留之廣東鹽課至今日而歸尚有矣額
泛者定之則昔日之動用京邊新舊兩持銷籍
不決者題奉

欽依以二十萬爲準矣額有不得用於今年應催解
於來年者并綴之如南京之事例贛州之橋稅
無容聽其久假矣諸如此類備載於各款之下
以見昔日尾間漏卮之所自去今日竹頭木屑
之所自來總之仗

皇上之威靈賴邊臣之清覈督餉臺臣之商確籌量

及在廷諸臣之高目借箸教諭不使臣類
端而窮其緒按數而勒其成耳此外尚有南
牧馬場租銀年前暫借工部助工今應歸還
部充餉例係年年徵解合行各府縣查報定
以濟遼餉之窮又督撫軍餉撫按公費去歲
具敬因新舊兩餉之訕一疏

請行撫按裁減認額未蒙

俞旨乃地方肥瘠相懸設處難易亦異若以部派
坐之額責其全完恐終不得之數也似應仍

省直撫按酌量時勢認定額數以便催解亮諸
臣憂

國急公必無敢以虛文應者此項銀兩今尚不敢
列在入額之內姑俟認額以後凡有解到照科
臣解學龍議另款貯庫以備三韓不時之需又
據省直開報舊歲免

覈一項共該扣路費銀九千六百七十一兩一錢二
分二釐四毫應儘令照數解部臣亦不敢列於
入額之內蓋此項三年一次原非常徵免

覲多寡亦無定數合俟朝

覲之年照例查解奏充五年再閏之餉亦便計也
此以往但得省直諸臣憂封疆之憂心

皇上之心設法措處無輕議借議留竭歷催科無致
日逋日欠庶新餉缺額兩字不復以厯

宵旰之懷而臣部亦得藉手竣事於以張捷伐之感
佐恢復之績與斯民休息於輕徭薄賦之天可
計日竣矣臣具疏已畢復接督師袁崇煥揭爲
更制天津兵馬汰冗節費事內稱天津宜兵馬

匹等項新經更定歲止需銀六萬五千有奇
又於出額內省銀四萬八千有奇矣督師節有
用之餉以養必戰之兵誠屬苦心而督餉部臣
崔爾進且疑其議以相成內外同心何事不濟
臣惟有仰請

嚴旨以督催省直使源源輸輓少佐飽騰無及邊臣
任事之心而已臣等不勝惶悚待

命之至

計開

新餉入數

加派原額

一 浙江省原加派銀四十二萬二百七

十二兩八錢四分二釐三毫

一 江西省原加派銀三十六萬一千三

十六兩一錢四分三釐九毫九絲

一 湖廣省原加派銀七十四萬二千四

百七十六兩一錢六分三釐九毫

一 福建省原加派銀一十二萬八百二

兩五錢六釐

一河南省原加派銀六十六萬七千四百二十一兩五錢六分八釐

一山東省原加派銀五十五萬五千七百五十一兩九錢七分三釐二毫四絲一忽

一山西省原加派銀三十一萬八千五百八十九兩六錢一分四釐五毫三絲

一陝西省原加派銀二十六萬三千六百三十一兩四錢六分五釐

一廣東省原加派銀二十三萬一千一百七十八兩六錢二分三釐

一廣西省原加派銀六萬九百一十七兩三錢五分

一四川省原加派銀一十二萬一千三百四十四兩九錢五釐七絲

一雲南省原加派銀一萬六千一百九

十四兩二錢二分九釐二毫

一南直原加派銀六十七萬六千九百
二十八兩一錢七分五釐七毫九絲

一北直原加派銀四十六萬五千一百

四十四兩五錢九分六釐九毫五絲

一直隸延保二州原加派銀一千二百

二十七兩七錢三分五釐九毫

以上原額加派共銀五百二萬二

千九百一十七兩八錢九分二

釐八毫七絲一忽

蠲留

一北直

欽免銀四十六萬五千一百四十四兩五錢九分六

釐九毫五絲

一四川省留用一十二萬一千三百四

十四兩九錢五釐七絲

一湖廣省留用六十五萬二千四百七

十六兩一錢六分三釐九毫又

潞庄長沙免九萬兩

一雲南省留用一萬六千一百九十四

兩一錢二分九釐二毫

一廣西省留用二萬兩

一南直淮安府題減鹽桃二縣銀一萬

八千二百六兩零

一浙江省徑解工部分餉銀四萬兩

一江西省徑解工部分餉銀二萬兩

一河南省徑解工部分餉銀四萬兩

一山西省徑解工部分餉銀六萬兩

一陝西省徑解工部分餉銀四萬兩

一登兵餉銀新照督師裁定八萬二千
八百四十兩八錢又料豆該價銀四
千三百七十兩四錢總留用銀八萬
七千二百一十一兩二錢

以上蠲留加派共銀一百六十七

萬零五百七十七兩九分五釐

一毫二絲內工部分餉一項

崇禎二年暫議二十萬若崇禎
三年減派又應照所減之數增
入實在數內

實在

- 一 浙江省徵解銀三十八萬二百七十
- 二 兩八錢四分二釐三毫
- 一 江西省徵解銀三十四萬一千三十
- 六兩一錢四分三釐九毫九絲
- 一 福建省徵解銀一十二萬八百二兩

五錢六釐

一河南省徵解銀六十二萬七千四百

二十一兩五錢六分八釐

一山東省徵解銀四十六萬八千五百

四十兩七錢七分三釐二毫四絲一

忽

一山西省徵解銀二十五萬八千五百

八十九兩六錢一分四釐五毫三絲

一陝西省徵解銀二十二萬三千六百

三十一兩四錢六分五釐

一廣東省徵解銀二十三萬一千一百七十八兩六錢二分三釐

一廣西省徵解銀四萬九百一十七兩三錢五分

一南直隸徵解銀六十五萬八千七百二十二兩一錢七分五釐七毫九絲

一直隸延保二州徵解銀一千二百二十七兩七錢三分五釐九毫

以上見行徵解臣部共銀三百三十五萬二千三百四十兩七錢九分七釐七毫五絲一忽內山東省加派銀兩原係坐留充兗州登州等處兵餉并照楚餉餉黔之例徑留山東以充島餉今兗餉已有新查屯糧抵充登兵已經督師裁定島餉仍從新應支給應并收入臣部入額之內

雜項原額

各省直襍項除貴州免派湖廣留以餉
黔四川雲南留本省餉兵原未算入
遼餉額數又廣西准留一半充餉外
共懸坐省直襍項銀一百六十二萬
三千一十四兩有零因原未認定以
致額多解少新經臣題

請督令省直自行認額除認數太懸者已經駁行增
額外今將見認確數開具於後

一浙江省自認襍項銀共二萬二千六百一十七兩零一分

一江西省自認襍項銀共六萬二千四百七十八兩三錢七分三釐九毫

一福建省自認襍項銀共八萬九千一百一十二兩四錢四分一釐八毫

一山東省自認襍項銀共八萬七千七百八十七兩六錢六分五釐九毫
絲六忽七微八纖七沙五塵

一山西省自認襍項銀共六萬一千三百五十一兩五錢

一河南省自認襍項銀共八萬六千七百一十四兩五錢四釐九絲

一陝西省自認襍項銀共六萬六千一百三十九兩五錢七分二釐八毫三絲八忽四微

一廣東省自認襍項銀六萬八百五十四兩二錢八分九釐一毫三絲二忽

一廣西省自認襍項銀共九千三百兩
南直隸所屬

一應天府自認襍項銀共八千六百六
十七兩三錢三分

一安慶府自認襍項銀共八千四百一
十九兩八錢一分七釐九毫二絲

一蘇州府自認襍項銀共一萬五千一
百四十四兩八錢四分六釐一毫二
絲六忽六微六纖八沙

一松江府自認襍項銀共八千一百八
兩六錢四釐五毫四絲二忽

一常州府自認襍項銀共四千二百九
十兩九錢一分

一鎮江府自認襍項銀共六千九百一
十兩二錢七分一釐三毫

一徽州府自認襍項銀共一萬一千八
百二十九兩一分六釐五毫五絲七

微六塵

一寧國府自認襍項銀共一萬六千二百二

十一兩四錢九分二釐二毫

一池州府自認襍項銀共七千二百二

十四兩四錢七分

一太平府自認襍項銀共二千七百五

十一兩八分五釐

一廣德州自認襍項銀共一千二百三

十二兩二錢四分八釐六毫

一廬州府自認襍項銀共一萬七千四

百二十四兩七錢六分三釐九毫

一鳳陽府自認襍項銀共三萬三千一

十一兩三錢六分二釐八毫六絲九

忽一微八纖

一淮安府自認襍項銀共一萬五千五

百九十一兩四錢五分二釐八毫一

絲三忽

一揚州府自認襍項銀共二萬六千三

百七兩四分三毫

- 一徐州自認襍項銀共五千二百一十
二兩七錢七分一釐二毫六絲二忽
一滁州自認襍項銀共三千三百八十
六兩一錢五分三釐三毫五絲
一和州自認襍項銀共三千八百二十
二兩三錢六分八釐二毫

北直隸所屬

- 一順天府自認襍項銀共一萬二千三百
百三十二兩四錢二分九釐一毫一

絲一忽五微

一永平府自認襍項銀共五千一百九十六兩一錢五分四釐

一保定府自認襍項銀共一萬三千一百九十九兩四錢一分九釐八毫

一河間府自認襍項銀共一萬二千二百五十六兩四錢一分五釐

一真定府自認襍項銀共二萬二千四百九十八兩六錢六分三釐三毫三

絲五忽

一順德府自認襍項銀共一萬一千三百五十一兩四錢三分二釐九毫三忽

一廣平府自認襍項銀共一萬二千八百二十六兩一錢八分一釐九絲六忽

一大名府自認襍項銀共一萬三千六百九兩五錢八分八釐三毫一絲六

忽

一延慶州自認襍項銀共八百七十一

兩七錢六分

一保安州自認襍項銀共五百七十六

兩七錢六分

以上除廣西雜項臣於去歲黔餉

不可再誤疏內

准留該省雜項湊解黔餉應留銀八千八百兩外各

省直通共實認銀八十二萬五

千零五十兩一錢六分六釐

毫九絲一忽二微八纖六沙

塵內屬雜項原款者共銀七十

九萬八千零五十四兩九錢

分一釐六毫四絲七忽四微

纖六沙一塵屬臣新增襍支八

費一款共認銀二萬六千九

百九十五兩二錢三分四釐五

毫四絲三忽八微始足前八十

萬九千四百五十兩有奇之額

外免

覲路費銀九千六百七十一兩一錢二分二釐四毫

此係舊歲免

覲之數非定額亦非年年起解之額難以美入臣部
每年入額之內者也

關稅

一北新鈔開天啓元年題派新餉銀二
萬兩又五年題增二萬兩共四萬兩

一揚州鈔關天啓元年題派新餉銀二
千六百兩又五年題增一萬兩共一
萬二千六百兩

一淮安鈔關天啓元年題派新餉銀七
千六百四十兩又五年題增一萬五
千兩共二萬二千六百四十兩

一九江鈔關天啓元年題派新餉銀一
萬二千五百兩又五年題增二萬兩
共三萬二千五百兩

一 許墅鈔關天啓元年題派新餉銀二萬二千五百兩又五年題增二萬兩共四萬二千五百兩

一 崇文門天啓五年題增二萬兩

一 淮安徐州兩倉天啓五年題增各一萬五千兩共三萬兩

以上各關倉共派新餉銀二十萬二百四十兩於天啓七年題

准盡數解充南京銅本舊歲臣部題覆錢法侍郎孫

居相條議始減定銅本十五萬
除崇文門一萬徑解鑄局外其
餘十四萬內撥定用新課銀五
萬五千兩鼓鑄總以充餉俱應
列在新餉入額之內此外尚有
臨清鈔關河西務通州草場等
天啓元年題

准聽其搜括助餉原無定額不敢筭入額內

鹽課

一兩淮運司新增遼餉銀八萬六千六

百三十六兩二錢

一兩浙運司新增遼餉銀三萬兩

一長蘆運司新增遼餉銀四萬九千三

百八十五兩五錢

一山東運司新增遼餉銀三萬八千四

百三兩四錢八分

又遼鎮民運舊餉鹽課收入新庫銀

一萬三千九百零五兩一錢八分

又滴珠銀一百三十九兩五分一

釐八毫

一福建運司新增遼餉銀一萬七千三
十六兩一錢五分

一廣東提舉司新增遼餉銀六萬六千
一百二十六兩九錢七分

以上遼餉鹽課通共三十萬一千

六百三十二兩五錢三分一釐

零內兩淮運司原額遼餉銀一

十二萬一千六百三十六兩二錢於崇禎二年本部覆張養䟽每引減銀五分共減銀三萬五千兩故止載八萬六千六百三十六兩二錢又廣東新增銀六萬六千一百二十六兩九錢七分於崇禎元年奉

旨暫留廣東爲募兵造船之用今仍歸臣部合應等在入額之內

遼鎮民運

原額一十九萬九千一百九十六兩一錢三分內除山東鹽課銀一萬三千九百五兩一錢八分已附入鹽課項下又旅順兵餉銀九千六百四十兩因新頒會計冊改入太倉項下已等在每年動支京邊二十萬之內又遼鎮引價銀四萬一千三百二十六兩零五分向准各商辦納撫賞近經督

師袁崇煥題

准行引買銅以充鼓鑄共開除銀六萬四千八百七
十一兩二錢三分

實在

一山東布政司民運銀一十三萬三千
三百九十兩五錢

一永平府民運鹽鈔銀九百三十四兩
四錢

以上共銀一十三萬四千三百二

十四兩九錢內山東民運銀原
係留充島餉永平銀年來徑解
山海今應并解新庫筭在遼餉
入額之內

遼鎮京運

原額太倉京運銀五十二萬五千六百
一十二兩三錢零內除提塘月糧照
督師裁汰實用銀二千五百餘兩又
支解撫賞銀一十一萬六千六十二

兩五錢外臣於具覆通查遼左缺餉
之因疏內題

准每年坐撥召買地方動用京邊以二十萬爲額已
照太倉額數坐派地方訖

坐派額數

保定府一千八百三十兩二錢五分五
釐九毫二忽一微七纖

河間府一萬七千四百八十四兩三分
二釐三毫三忽四微七纖

真定府二萬六千八百五十九兩二錢

五分四釐九絲二忽

順德府一萬二千二百五十五兩九分

三釐七毫

廣平府二萬二千一百八十七兩三錢

六分八釐九毫

大名府七萬二千四百一十五兩四錢

三分五釐三毫

順天府九千一百四十兩七錢二分三

釐七毫

東昌府二萬六千九百二十三兩二錢
七分四釐七毫

兗州府一萬九百四兩五錢六分二釐
五絲

以上共坐派太倉銀二十萬兩如
不足召買價值准動雜項銀湊
買

額外雜項

一南京事例銀十萬兩原經題

准留充新廠鑄本繼復留充南差銅本崇禎元二年
暫准南京留用合應於崇禎三年歸
還臣部奏充遼餉

一蘆課銀二萬八千九百七十兩零自
天啓二年起徵解臣部充餉天啓六
七兩年改助

大工訖今應歸還臣部奏充遼餉

一瀋州府上下水橋稅銀一萬八千兩

崇禎元年該撫洪瞻祖始報認前額
元年二年俱暫准該省留充官兵之
用合應於崇禎三年歸還臣等充餉
以上總共歲入銀五百一十六萬
零五百五十八兩三錢九分四
釐九毫零

崇禎二年七月二十二日具

題本月二十六日奉

聖旨覽奏新餉昨歲缺額一百二十五萬今入額稍

寬具見卿持籌苦心但省直完欠不一還嚴嚴
成及節浮剔弊查解等項俱逐一詳飭行欽此

覆摠漕題淮揚那借遼餉漕折疏

題爲備查兵餉那放之故謹據實

上聞以徼

聖鑒事專理新餉山東清吏司案呈崇禎二年六月
十七日奉本部送戶科抄出總督漕運巡撫鳳
陽等處戶部右侍郎兼都察院右僉都御史李
待問題前事等因本年六月十二日奉

聖旨淮揚兵餉豈無正額如何一任那移借及遼餉
漕折正項據奏前後相推必有侵冒情弊卽著二

府現任正官挨年按月備查前去先任有弊立行
糾發查報未完不許陞薦餉銀耗蠹李待問嚴加
裁覈定爲則例昨范良彥奏薦董允升前任那借
多方補完何與此疏不同該部通看具覆欽此欽
遵抄出到部送司具覆間准直隸巡按御史范
良彥揭爲敬述薦疏之繇等事內開先是職奉
差已滿取到各屬官員賢否內淮安董知府該
道該廳俱首開應薦職叅以本官平日之才守
謂其應薦宜矣適遇該府逋欠南草銀兩蒙南

京戶部題叅職恐其於薦舉不便隨行該府查核續據揭稱皆係前任府官各因兵餉緊急那借支給已經前任各官開冊申報本部有舊卷紅簿可查今自本府到任督催完解南糧銀又崇禎元二年并各年分麥草銀亦設法督催完解等因職因該府有解過各年南草之說且道廳於本府事蹟冊內俱開稱措解前項矣是以薦語中有前任那借多方補完之語又於疏內拈出南草銀兩一節以明本官之拮据而當薦

也若曰遼餉之拖欠非一官一時淮屬見在
計職覩部檄類催日與淮撫及道府各官講求
長策正苦計無復之安有巡歷一年而猶懵懵
然遽以該府爲各項俱行補完卽至愚亦不出
此也然南部之所叅者爲南草也而職之所謂
完者亦止爲各年南草本府續行完解也第

聖明勅下本部具覆誠恐謂職一槩稱其解完是職
疏與淮撫之疏相矛盾矣故特直述其薦舉之
繇如此等因到司相應具覆案呈到部該臣等

看得淮揚二府兵有定數餉有定額何以展轉
那移在淮安府則借遼餉三萬四千餘兩在揚
州府則借遼餉二萬七千七百餘兩又借漕折
一萬二千八百餘兩雖揚州府補解到部遼餉
一萬二千九百一十一兩九分淮安府補解到
部遼餉五千一百二十二兩九分而拖欠尚復
纍纍去任者以爲那用仍在

公家付之罔問後來者非不竭蹶以圖補塞終屬
難完獨不思遼餉爲關寧續命之膏漕折爲京

軍糊口之物恐無久假不歸之理也幸已奉有
明旨着二府見任正官挨年按月備查先任有弊立
行糾發未完不許陞薦諒二府正官以鬻自愛
必能詳查入

告從前之借支或可望以少清淮揚兵制無章耗盡
日甚撫臣矢以悉心商求斟酌裁定從後之借
支或可望以少杜俱無待臣詞之畢矣至於按
臣范良彥於奏薦疏中開敘淮安府知府董允
升有前任那借多方補完等語似於撫臣之疏

不符致煩

聖明詰問今細閱按臣來揭始知按臣取各屬賢否
道廳開薦該府之時適南戶部以該府南糧麥
草銀未完曾經題叅因行文查覈已有解過各
年南草之說是以按臣於考語中綴入補完一
語以明本官之苦心復於全疏中拈出南草一
節以晰錢糧之項欸然則按臣之所謂完者爲
南糧麥草也撫臣之所謂欠者爲遼餉銀兩也
疏中各有所指意不相悖再查得淮安那借遼

餉皆係該府前官之事實與本官無干目下又
復補解遼餉五千一百餘兩則知府董允升所
爲設法督催者也苦心拮据勞績亦有足多益
勵初心以結此局不能不引領望之矣臣謹遵
明旨具覆恭候

命下臣部行文鳳陽總督及都察院轉行淮揚巡按
御史遵照施行

崇禎二年七月二十五日具

題本月二十九日奉

聖旨是欽此

題發延綏援兵贍家新餉疏

題爲請發援兵贍家新餉銀兩以濟急需事該本部題專理新餉山東清吏司案呈案查先奉本部送准延綏巡撫岳和聲咨前事內稱天啓三年二月內督發家丁二千四百名調赴榆關每月每名支內顧贍家銀四錢五分自天啓三年三月起至崇禎元年二月終止於原發新餉內放過贍家并頭次塩菜共銀五萬三千四百九兩五錢五分七釐六毫外并查各路頭次更番

軍丁尚欠應支未給贍家銀一萬五千七百一十五兩又該崇禎元年授兵二千四百名計該贍家銀一萬二千九百六十兩通計未給銀二萬八千六百八十五兩應於新餉內請討等因到部送司查得贍家銀兩已於廣寧潰沒之後槩行停止續調家丁二千四百名今稱應給贍家及查天啓三年二月內咨報前項家丁啓行內云各丁行後贍家銀兩嗣容另議迄後竟無隻字到部今輒於本部元年發去新餉九萬

七千二百三十六兩一錢五分內徑自給發不
一知會突請開銷且稱找給相應駁查隨該本
部行查去後續准該撫備造支銷文冊到部內
稱各軍贍家初調援遼之始已有成議故天啓
元年六起發到銀九萬七千二百三十六兩一
錢五分隨時支給嗣以遼廣淪陷各兵潰沒始
將各起援兵贍家開除停止後於天啓三年復
調延鎮軍丁二千四百名創爲更番近雖奉

旨停免而天啓六年發去者猶在關門戍守夫各軍

名糧既自啓行之日開除所遺父母妻子惟
瞻家糊口所有前六起發到已支銀九萬七千
二百三十六兩一錢五分所當照數開銷其應
支未給銀二萬八千六百八十五兩九當刻日
湊發等因又該本部查得瞻家舊例曾經本部
題定三錢蓋謂此兵在遼給與一兩二錢共合
一兩五錢之數倘食糧逾於一兩二錢例無瞻
家今該鎮報稱每名支給四錢五分且其中有
無逃故有無父母妻子亦應分別造報又查得

本部於天啓元年九月內補發贍家銀二千八百三十五兩或存或用該鎮俱未說明一面移咨督師備查延鎮援兵果否二千四百名有無逃故每名在遼實給月餉若干一面咨回延撫備查各兵果否每年更番足數是否人人皆有父母妻子贍家銀兩每名四錢五分是否奉有部文元年九月內補發贍家銀二千八百三十五兩因何未見聲說逐一查確報部等因移咨去後今准督師尚書袁崇煥咨稱延鎮更番兵

馬先經閣部題定兩年一更近爲稱首稱擾
免更換來者既不可望戍者又未便放歸豈不
欲另募土著以釋回而圖內投糧者殊乏戰兵
今捷伐方殷用兵之際各兵俱有功名之心方
欲留戍一當虜以快雄心則留防不俟言矣其
坐糧應給與否則在貴部會彼撫院裁酌及查
延綏更番額兵二千四百名逃故陣亡汰革已
六百四名見在僅一千七百九十六名等因奉
將總兵官趙率教查造各兵花名文冊咨送前

來又准延綬巡撫岳和聲咨并延寧糧儲郎中
鍾希震呈各同前事內稱天啓三年二月內准
閣部孫承宗咨開延鎮家丁二千四百名其各
兵贍家於舊餉補還新餉內放給至天啓四年
八月頭次更番二千四百名天啓六年二次更
番二千四百名查有父母妻子者准給贍家無
者俱不准給有在關逃故者據揭開除豈容虛
冒其每名四錢五分查萬曆四十六年七月
內准兵部咨題議每軍給銀六錢本年十月內

准戶部咨該兵部題議每軍給三錢繼因援軍
妻屬紛紛告擾該前任撫院探集道廳餉司之
議自四十七年五月起均給四錢五分蒙查遣
造銀二千八百有奇查係天啓元年五月內給
發抽調軍九百名自本年六月起至十二月終
止計給贍家銀二千八百三十五兩取有印領
在卷今自天啓三年調兵起至崇禎二年四月
終止共放過新餉銀五萬三千四百九兩五錢
五分七釐六毫因軍餉不敷尚欠頭次更番銀

一千三百一十三兩五錢五分卽今見在關門
戍守軍丁一千七百九十六名內除無內顧并
家小有陸續亡故者五十六名不支外應支贍
家軍丁止一千七百四十名至崇禎二年十二
月終止借支過舊餉一萬六百二十兩六錢四
分九釐又未支銀二萬四百四十五兩七錢五
分以上三項通共銀三萬二千三百七十九兩
九錢四分九釐應於新餉銀內給發等因并將
支放文冊移到部送司相應酌議具題等因

案呈到部該臣等看得遼左兵興征調四發各軍千里從征內顧可念故於援兵家屬每名給有贍家銀兩以示優恤故臣部於天啓元年六次發銀九萬七千二百三十六兩一錢五分又於本年九月發銀二千八百三十五兩一聽該鎮支用至天啓二年樞部因援兵內潰議將贍家悉行停止該鎮援兵贍家除已前支銷外剩有新餉銀五萬三千四百九兩五錢五分七釐六毫因舊餉不敷暫借支用至天啓三年二月

內該鎮復調援兵二千四百名赴關防守遂於
舊餉應還新餉之內支給贍家而臣部未之知
也及支過新餉五萬餘金又借過舊餉一萬餘
金又有應支未給銀二萬餘兩始咨部開銷并
請補給此臣部所以先後駁查至再至三而不
敢朦朧應也今據督師及延撫會查始知前項
援兵除汰革逃故外尚存一千七百九十六名
又除無內顧并家小亡故者五十六名不支外
應支贍家軍丁共一千七百四十名此實在應

支之數也又查該鎮前次來咨稱至崇禎元年止通共未給銀二萬八千六百八十五兩今次來咨稱至崇禎二年止借過舊餉并未給銀共三萬二千三百七十九兩九錢四分九厘比之前咨元年爲止之數止增銀三千六百九十四兩九錢四分九釐夫一年支用萬餘金豈崇禎二年僅用數千金乎臣初不解其故及閱該鎮前後咨文并造送支放清冊細加磨對始知前此所請之多者以二千四百名成數而言今則

除去節年逃故并無內顧外淨筭應支之實數
是以先後銀數多寡互異則以臣部駁之又駁
該鎮查而又查此番冊數稍爲可憑耳再查舊
例每名止給三錢而延鎮給與四錢五分夫榆
關餉額已厚豈可額外濫加特督師以西兵堪
戰不便撤回且已給之銀勢難追出合於崇禎
二年六月終爲止以前俱准四錢五分七月以
後照依舊額姑給三錢此時外解正艱萬難取
辦於內庫姑於陝西本年加派銀內先支二萬

權以償借過之舊餉以慰從征之妻孥其餘
延撫截日銷筭咨部明白方准找給庶遠戍無
內顧之慮而錢糧亦可樽節於萬一矣抑臣於
此猶有說焉今日之患不在兵不充而在餉不
足若關寧另覓健勇遣戍卒還邊亦可省兩地
糜費之苦不然卽於關寧本兵月餉內量行扣
留若干解還原籍以恤其私亦覺省便若以新
餉已定之出額而泛應重疊之誅求誠恐勢有
所不繼也旣經咨會前來相應題

請恭候

命下臣部行文延綏巡撫遵照及咨會督師查議曉諭各軍施行因事關錢糧字踰限格仰祈

聖明鑒宥

崇禎二年七月二十九日具

題八月初四日奉

聖旨延鎮援兵應支安家餉銀名數知道了其節年未給銀補找俱依議遼方需兵該鎮這銀數還照常支給不必議減欽此

覆餉院題山陝新餉免抵舊餉疏

題爲會計元二年督催掛銷錢糧謹撮簡明數目
以便

御覽并乞清歸餉額以濟急需事專理新餉山東清
吏司案呈崇禎二年七月二十四日奉本部送
戶科抄出督餉御史錢士貴題前事內款開近
戶部會議乃以山西陝西撥兌舊餉昨陝西撥
兌二十萬至今尚未還清猶曰秦事方殷秦地
稍遠定舊餉之還額卽通融酌便亦未至重誤

新餉若山西一併議留實誤新餉不小今自前
疏後而晉解杳然矣加派既已扣留而欲責繼
項之如期徵解恐不可得且彼中自作支銷而
欲使臣差一例查叅亦非畫一之政體也等因

本年七月二十日奉

聖旨這奏元二年新餉出入完銷款數知道了計出
浮入數二十餘萬還急催舊欠補發其山西撥充
改還正額着從長議行該部知道欽此欽遵抄出
到部送司案呈到部該臣等看得新餉轉輸之

遲速動關遼左之安危每苦鞭長呼之不應累
年來藉手應變者實惟河南山東山西三省是
賴而陝西亦備緩急焉昨因秦地饑饉邊圉嗷
嗷臣部不得已覆准臣同官侍郎南居益暨彼
中諸鄉紳之

請允留加派新餉二十萬以克年例隨即撥淮課銀
十萬浙課銀四萬事例銀六萬以還之今新庫
已收過淮課七萬事例一萬卽浙課四萬目下
解到可卽抵還所未足者僅淮課之三萬事例

新修司六
如來
之五萬耳近經銷美崇禎元年新餉召買價備
實動用過京邊銀三十萬五千九百九十三兩
有奇除遵奉

欽依額定每年二十萬以抵遼東舊餉外尚多用過
京邊銀十萬五千九百九十三兩有奇今議以
陝西兌留應于舊庫補新餉之八萬扣抵外仍
令新庫再還舊庫銀二萬五千九百九十三兩
有奇而動用京邊項欸之內有借及邊鎮銀兩
者俱於舊庫補還庶幾一新一舊一借一還緣

毫分明不復如往歲之推諉支吾爲郡邑有司
銷筭之苦而陝西抵兌之二十萬亦已清矣至
於山西新餉將一半扣抵年例原採臺省會議
借秦例晉似覺省往返行兌支之爲簡便今督
餉臺臣謂臣部具疏後晉解杳然恐致重悞新
餉且慮及襍項徵解之皆緩也一例查叅之有
碍也總之爲三韓恢復計自不得不加意轉輸
臣又見數日以來新餉外解中斷而奴孽聲言
渡河勢不得不望濟於山西近地安敢復執兌

留之議以妨接濟乎且京邊民運二項皆閭閻
維正之供各省直無民運故皆輸之京邊秦晉
二省無京邊故皆歸之民運但查叅稍有寬嚴
則人情遂分緩急如陝西兌留新餉二十萬聞
迄今尚多未完奈何復開兌支之門以滋影射
之竇乎則已之可矣今臣部年例業已竭力奏
發若再急催民運當亦不至乏絕似不必再議
兌支使急催科者作觀望想各輸將者存僥倖
心而秦晉遼疆兩不得其解懸之用也倘此後

督師袁崇煥之裁汰既定省直起解之新餉漸
克容臣部斟酌裒益再作從長計較權宜抵扣
因時制宜斷不敢膠柱以鼓瑟徒致令瓶罄而
壘耻耳伏乞

勅下臣部咨會山陝二省撫臣并行文山陝二布政
司除陝西題扣外速將二省加派遼餉與同襍
項銀兩如數起解無因扣抵年例一議逗遛遲
緩則新舊之款項分明而遼左之軍興克濟矣
崇禎二年八月十八日具

題二十一日奉

聖旨是欽此

覆督師題各鎮兵馬錢糧經制疏

題爲兵馬錢糧更制已周謹據實造冊奏

聞以成整練之實以踐恢復之期事專理新餉山東
清吏司案呈崇禎二年八月二十九日奉本部
送戶科抄出督師尚書袁崇煥題前事等因本
年八月二十六日奉

聖旨這督屬各鎮兵馬錢糧更制畫一具見綜覈明
効覽奏謀同斷獨實幹眞圖卿旣殫力肩承中外
諸臣協心共濟兵精餉足奏功可期其各鎮措置

事宜並東江仍名河東鎮俱依議行該部知道
此又先該督師尚書袁崇煥題爲制正東江
馬錢糧以收實用事等因奉

聖旨覽奏東江馬步營兵分協統領事宜具見調撥
兵減餉增務收實用本折照數預措併添設糧廳
悉如議該部各與覆行欵此欵遵通抄到部通送
到司案呈到部該臣等看得東事不結繇兵處
也兵不敷實餉亦多糜繇權紛也督師袁崇煥
一手握定經之繙之舉四鎮而總括經制冊

釐然備矣蒙

皇上諭以中外諸臣協心共濟臣部敢弗黽勉支應以襄成績惟是臣與督師同舟共濟甘苦相關事屬錢糧寧許無畧有不得不住復商確者昨臣部欽奉

明旨具有遼餉出額一疏除天津截漕米二萬石東江截漕米八萬石臨德二倉米五萬九百石不用價外歲額本折實共支銀五百一十三萬八百八十六兩九錢六釐非臣臆說也關寧兩鎮

照督師前次經制冊薊密永照督撫裁汰兵餉
冊天津照津部所汰之數東江照臣部題

准之數與臣部此時凡發額數絲毫不爽者也至于
本折支銀五百一十三萬有奇之內有米豆價
一項約用銀一百二十一萬五千有奇則就督
師前次經制米七十一萬一千九百二十五石
四斗豆八十萬九千四百六十七石二斗之數
計之而東江米不與焉雖云所約價值如科臣
解學龍議姑從其昂者以留餘地然災稔時聞

積昂成剩恐亦無幾何也今據督師疏內數目
一一通筭每歲合關寧東江用本色米八十萬
二千九百四十五石四斗實比臣前奏出額省
米七萬六千九百八十石督師所謂米減于昔
則誠減矣折色廩餉草乾船租銀三百五十九
萬三千七百五十七兩九錢實比臣前奏出額
省銀一十四萬二千八百九兩六錢六分一釐
督師所謂草束盡行改折以蘇近關凋瘵之民
誠大有裨益矣至于料用一百一十七萬五千

八十三石二斗比督師前次經制冊所開豆八
十萬九千四百六十七石二斗實增豆三十六
萬五千六百一十六石矣臣部今歲召買豆數
原繇去歲照督師咨內見在馬驢之數而預計
之連閏止買豆六十七萬八百一十五石昨具
出額一疏計及來歲豆數應增一十三萬八千
六百五十二石二斗方足八十萬九千四百六
十七石二斗之數雖議以今歲米價之盈閏且
之備補來歲豆價之縮差足相當而民窮力盡

在在告困尚不知糴買于何方搬運以何法全
復增額外豆三十六萬五千六百一十六石來
歲比今歲實該多買豆五十萬四千二百六十
八石二斗真不知計所從出也在督師彼有所
增則此有所減未始不周詳裒益在臣部卽以
督師之所減于此者應督師之所增于彼者亦
不敢不委曲通融覺督師減銀一十四萬有奇
減米七萬有奇僅足敷所增三十六萬之豆價
而運價之所需尚不貲也天津永平或可就便

糴買無煩運價至于河東餉司之一十八萬

千七百五十二石若運之登萊脚價稍省而

東民力恐不能乘舟楫恐難卒辦若運之天津

脚價照例每石四錢一分該銀七萬五千七百

四十八兩三錢二分運價幾與買價相埒矣說

者謂海島渺茫之鄉與關寧兵卒安危有間額

餉正不妨低昂騎兵每名每月可減二三錢也

步兵每名每月可減三四錢也又謂督師制正

東江疏內原欲用島兵于陸故爲之設馬設械

但買馬旣艱航海不易島兵移陸尚未有期而料豆先自勞擾不如俟有次第而後運料未晚也蓋事關封疆臣何敢以揣摩恭末議亦惟是共督師商確以求至當以副

皇上中外諸臣協心共濟之

旨而已督師初至關門業已約畧遼餉以四百八十萬爲額今漸次清楚務踐前言可謂極苦極鉅然今歲所費則猶然臣部前奏出額之數蓋關寧薊密永之月餉運發如故卽津門汰兵以後

津部督臣移書及臣亦諄諄以兵難驟散餉難
頓減爲言尚不知何日方得扣除四百八十萬
之額何日方得恰符也臣草疏已外接前
督臣劉策分屬新舊糧銀一揭內稱薊鎮新兵
除督師經制一萬二千一百九十名之外再選
七千八百十員名駐劄西協俱支新餉若照例
支給則每年經制之外又應增餉十三四萬額
入有限豈能環中四應且督師經制冊內尚有
支新餉而未附入者如通糧廳兵餉銀五千八

百七十三兩名曰道丁甚爲無謂累行駁議竟無以應斷斷應裁無疑又在京新兵餉銀八千兩雖亦羨支本色然而月米折實隸在新餉應否留用合聽兵部酌妥否則新餉出額且溢于臣部前奏五百一十三萬八百有奇之外督師四百八十萬之夙願又成空譚不亦負

皇上出入平等之睿思哉伏乞

敕下臣部移文督師河東馬步兵餉應否量裁河東新增料豆應否計馬買運徐俟移兵就陸之日

再議併移文兵部酌議在京各衛新兵應否留
用移文薊遼督撫同督師酌議選留西協新兵
七千餘名所用月餉應否增入督師經制之內
併移文薊撫卽行該道將月餉道丁設法解散
姑俟覆酌妥權之日臣另具出額細數以

聞則經制不患於溢額而新餉不苦於捉襟矣臣無
任悚息待

命之至

崇禎二年九月初三日具

題本月初九日奉

聖旨這奏餉料增減事宜還容督師叅合部疏再加
商訂具奏新兵一萬二千外選留西協七千餘名
應否盡支新餉着該督撫確議併糧廳員餉道丁
查覈具奏津兵已汰餉猶未減如謂驟難遣散王
從義前散德兵何獨帖然崔爾進尊前旨行在京
新兵兵部酌妥具奏該衙門知道欽此

覆督師請發皮襖疏

題爲遵例乞

恩給發皮襖事專理新餉山東清吏司案呈到部該
臣等接督師尚書袁崇煥揭帖前事內稱皮襖
銀向給之工部今工部爲造甲造器尚無所出
職又急於求成日夜催趨而錢糧無解職以爲
戶部新餉既經職節省頗有贏餘合無撥給一
二十萬助工部之不給蓋新餉原以爲遼今卽
以其餘者供遼之用計至便也卽不必助或借

以待工部償還似亦無所不可等因到臣正在
具疏間隨于九月初一日接邸報該督師袁崇
煥題前事奉

聖旨天氣向寒皮襖速與給發東鎮一體暫給今年
督師節餉數多着依所請戶部撥措若干以佐工
臣不給共期濟事毋悞軍需該部知道欽此欽遵
該臣等看得皮襖原非臣部職掌舊歲臣部具
疏申明奉有工部遵照舊例作速措發不得延
捱之

旨卽今日督師疏內亦云皮襖銀向給之工部知與
臣部無干無容再噴再噴

天聰惟是督師以節省贏餘款爲是通融濟急之着
臣讀來揭未竟不覺駭愕咨嗟竊嘆臣部之苦
不見諒於他人猶或以膜外視之不甚親切今
併朝夕共事痛癢相關之督師而亦作是語臣
心轉戚矣臣請言督師所謂節省所謂贏餘天
督師非無節省也第所節省者止能節省臣部
出浮干入之數非能節省臣部實在有餘之數

也安所得贏餘卽據兵部邊餉出入定額而議

或者謂捉襟露肘之苦將來漸釋然其中款項
尚有待索還于來年者是今年尚屬缺額之日
也而謂贏餘耶或者謂去歲督師出關時臣部
欠關內外月餉積至七十四萬今一一補足且
目下轉輸漸可按月措發此等光景必屬贏餘
耶不知任勞任怨所以行權省直者如何緊急
及外解入都隨到隨發絕未敢停留片時積貯
半文也原借

帑金五萬迄今未補卽九邊呼籲庚癸頻聞臣部
忍死撐持亦不敢那借分毫以充舊餉也而謂
贏餘耶

朝廷之財總以供

朝廷之用酌贏濟虛無分彼此督師持見原甚公虛
然臣部有一分之入方有一分之出省直解到
止有此數則運餒關鎮亦止有此數督師必欲
以皮襖取足於臣部臣部亦不過停月餉以應
之耳臣部能以慰三軍號寒之望者塞三軍啼

饑之日乎自今入秋以來外解漸稀萬一異日
開寧月餉或不接濟督師毋謂臣今日不言也
臣部正款據揭具奏隨奉

明旨命臣部撥措若干臣再四躊躇實有萬萬不能
應者卽如買馬一事亦與臣部無干止緣督師
具疏請以缺額馬與見馬一體支料草折乾銀
以爲買補馬匹之用臣部亦不敢爭執按月應
之倘無此議自正月以至今日臣部又可省馬
乾如許以充正餉矣凡此皆臣部舍己耘人以

應督師之求者也卽就工部論臣部七分之事
例專歸二十萬之分餉全付竭蹶効勞不遺餘
力諒工部亦不忍再以皮襖重務責望臣部無
已也伏乞

皇上俯鑒督師節餉雖多原是臣部出浮于入之數
未有贏餘且目前仍照舊額支餉所節餉數尚
未扣除絕無贏餘可佐工部軍需之用仍乞

敕下督師查照皮襖舊例請發無致推諉延反悞
急務封疆幸甚且部幸甚

崇禎二年九月初三日具

題本月初六日奉

聖旨兩部事體原宜共濟既奏該部新餉尚無
這皮襖銀兩還着兩部酌議措發該部知道欽

回奏提解銅商聶義疏

題爲猾商侵騙日久臣部屢呼不應懇乞

聖明嚴加申飭以除積玩以完

國課事專理新餉山東清吏司案呈崇禎二年八月十六日奉本部送戶科抄出應天巡撫曹文衡題前事等因本年八月十一日奉

聖旨這各商追比抵完銀銅着作速起解聶義該府既未差委當日給銀何官領銀何據該部速查明奏來欽此欽遵抄出到部送司案呈到部該臣等

查得各商通銅一案先該錢法侍郎曹珍題

准追究在安慶府則商人王來詔在應天府則商人
高紹隆石畸謝承恩在湖廣則商人聶義也因
疏內省分開未明晰安慶府誤認聶義以爲該
府經承故云從未差委及查臣部原行咨稿如
王來詔等四商行於應天撫臣聶義行於湖廣
撫臣各令提追回

奏頗覺詳悉然則該府認聶義而回覆者蓋止關
疏語未及詳悉尾商各銀數耳王來詔等阻

商所欠銀銅或追完而差官搭解或監追而見
在變產業奉

明旨着其作速起解諒該撫奉行惟謹無俟臣詞之
贅也惟聶義所逋之銅原在楚中節經題催尚
未回報奉有查明奏來之

旨相應遵查具題恭候

命下臣部行文湖廣巡撫定限十月內回

奏庶

款限不至从稽而奸商侵騙之資亦不至化爲烏有

矣

崇禎二年九月二十日具

題本月二十四日奉

聖旨聶義着湖廣巡撫遵限提追具奏不得遲延
此

覆蘇松按院留銀買運遼糧疏

題爲預徵新餉愆期不至新復監兌催解恐遲伏
乞暫

允差官守催以救饑軍事專理新餉山東清吏司案
呈崇禎二年八月二十九日奉本部送戶科抄
出巡按直隸監察御史王道直題前事等因本
年八月二十五日奉

聖旨該部酌議覆奏欽此又該應天巡撫曹文衡題
爲賦煩災重民困堪憐本折當清物力有數懇

乞

聖鑒以收時艱事等因奉

聖旨已有旨了該部知道欽此欽遵抄出到部送司
案呈到部該臣等看得遼左發難以來關寧軍
士嗷嗷待哺故於省直加派每年預徵十分之
三至今春而解者杳然復該臣部差官守催題
奉

明旨務於六月內完足六分仍懸勸懲以行督責誠
非得已也第南直各府原派有帶運之米卽以

加派抵充米價夫加派銀兩止有此數既已用
買本色所餘無幾自不能如他省折色完解六
分者勢也今據東吳撫按劄晰具

聞該臣部細加查覈如鎮江安慶池州寧國太平等
府俱以本年加派買運本年之米法甚畫一不
費詞說如應天蘇松常州以本年加派買次年
所運之米較之鎮江等府遲歷一年微分其苦
然查自帶運之始相沿如此向聽開銷今亦有
難於猝更者則三年之米價不得不留二年之

加派也明矣查蘇州府額該崇禎二年分加
銀八萬三千六百六十三兩六錢五分三釐九
毫四絲八忽今照二年米價每石作價七錢預
扣本年銀七萬一千三百三兩七錢五分六釐
七毫一絲六忽五微留買崇禎三年分正米八
萬八千五百七十六石九升五合三勺耗米一
萬三千二百八十六石四斗一升四合二勺此
照該府原報之數扣銷價值又除起解到部銀
九千四百兩止餘加派銀二千九百五十九兩

八錢九分七釐二毫三絲一忽五微留補二年
分米價尚不足數另當於三年銀內扣銷此毫
無餘剩者也松江府額該二年分加派銀三萬
八千二百二十九兩三錢三分四釐內預扣銀
二萬四千四百五十九兩七錢五分每石作價
七錢留買崇禎三年分米三萬四千九百四十
二石五斗此部派正額而耗脚之數不與焉又
除起解到部銀五千一百七十九兩一錢五分
尚餘加派銀八千五百九十兩四錢三分四釐

應找解臣部充餉者也常州府額該二年分
派銀五萬七千八百三十兩三錢五分六釐
毫四絲內預扣銀一萬九千六百八十七兩五
錢每石以七錢五分作價留買崇禎三年分米
二萬六千二百五十石此部派正額而耗脚之
數不與焉又除起解到部銀一萬七千三百六
十五兩五分一毫五絲二忽尚餘加派銀二萬
七百七十七兩八錢六釐二毫八絲八忽應找
解臣部充餉者也鎮江府額該二年分加派銀

三萬四百三十五兩四錢二分四釐二毫內扣
銀一萬三千一百九十六兩二錢五分每石作
價七錢五分買運二年分米一萬七千五百九
十五石內正米一萬五千三百石加耗二千二
百九十五石又除起解到部銀一萬一千九百
九兩一錢六分八釐六毫尚餘加派銀五千三
百三十兩五釐六毫應找解臣部充餉者也該
撫按原疏所云儘扣糴本以餘銀解部自是正
論第查得帶運定例米價用加派銀兩而耗腳

用于糶穀價今蘇鎮兩府併耗脚用加派銀兩
矣留用全在加派則解部應有平糶今查自天
啓七年至今鎮江尚有穀價起解而蘇州竟成
絕響應行令徹底清查照數補解以濟急需

國家賦稅全賴東南友多掛一漏十甚非情法之
平也既經具題前來相應覆

請恭候

命下臣部行文各該衙門遵奉施行

崇禎二年九月二十五日具

題本月二十八日奉

聖旨是欽此

皮襖銀兩認解一半疏

題爲遵例乞

恩給發皮襖事專理新餉山東清吏司案呈崇禎二
年九月初九日該本部題覆督師尚書袁崇煥
題

請皮襖銀兩緣繇本年九月初六日奉

聖旨兩部事體原宜共濟既奏該部新餉尚無贏餘
這皮襖銀兩還着兩部酌議措發該部知道欽此
欽遵抄出到部送司案呈到部該臣等看得

寧軍士荷戈從戎捷伐方張授衣宜亟此
表崇煥所以有預給皮襖之請也案查
一項於天啓二年經畧王在晉題

請冬衣銀兩臣部覆疏云撫臣王化貞曾給有皮襖
皆係兵部犒賞銀支用又查軍裝皮襖等項隸
在工部原與臣部無與嗣後閣部孫承宗歷開
三年設處皮襖並未取給臣部止以天啓六年
奉有

大工正急豈能措處還着戶兵兩部那錢之

旨臣部不得已權認五萬解關題奉

熹宗皇帝聖旨這措處皮襖銀五萬兩具見委曲爲
公俟三殿告成此項仍歸工部欽遵在案至天啓
七年工部復以皮襖誘之臣部隨卽具疏題明
奉

熹宗皇帝聖旨皮襖銀兩係邊土禦寒急需着工部
酌處措發已有旨了該部知道欽此崇禎元年工
部復以皮襖誘之臣部該臣部疏稱皮襖銀兩
昔因三殿而通融原非永例臣部無從措處等

因奉

聖旨戶部正餉緊急道及積弊者工部速照舊例
速措發時已迫寒不得延誤取罪欵此是七年元
年俱已屬之工部矣項者督師以新餉樽節後
或有贏餘欵戶部代措以佐工部之不給而亦
知臣部實無贏餘也臣部據實入告已蒙

皇上洞鑒何敢再贅一詞但奉有兩部酌議措發之
旨臣思寒風漸已逼人倘復以職掌相牽匱乏相疑
致稽遲時日不幾虛

皇上挾纊之恩灰將士敵愾之氣乎臣部萬不得已
於工部應發皮襖銀內認解一半以副

皇上共濟之旨第自下外解零星月餉不繼今時屆
秋杪矣乃剗密永止發完八月天津止發完七
月關內九月止發過二萬關外九月止發過三
萬總計尚欠二十四萬兩零臣朝夕憂心如焚
而皮襖又不可缺姑俟目下外解一到卽於應
發月餉內那發二萬兩差中書張爾志給與應
得勘合星夜遄解其餘俟督師扣定數目再行

奏解以完一半之數臣部爲封疆起見暫作通融以後更不得復引爲例者也再照遼餉匱乏數年於茲人人知之而一旦冒贏餘之疑則以關鎮有裁汰之舉臣部有出入相當之疏也夫財用須入浮於出乃稱贏餘出入止於相當外解尚多逋欠而謂贏餘乎况入額中有待索還於來歲而今歲不得其用者又查畿南回奏疏尚有恒山新兵餉銀三萬九千四百三兩有零取給於眞順廣大認定雜項之內者臣行文

省直催報雜項駁款務期增額以補此缺方
不足而謂贏餘乎臣仰體

皇上焦勞但可勉強撐持不敢擅以匱乏墳

天聽第恐新餉贏餘之疑不自又有於職掌之外厚
相責望如皮襖其類者臣部應接不暇反悞正
餉不得不再拈出以申明之伏乞

命下臣部遵奉施行

崇禎二年九月二十六日具

題本月二十九日奉

聖旨皮襖銀兩認解一半具見共濟之誼迨地
卽着先後解發新餉原無贏餘知道了欽此

題差寧遠餉司疏

題爲請官交代事專理新餉山東清吏司案呈奉
本部送准督師尚書袁崇煥咨爲就近調補邊
道事內稱關內道梁廷棟今已調陞口北道軍
民借寇不可得矣今查得關外餉司王楫定識
定力而守凜如霜當亂兵鼓譟而拮据措餉兵
藉以定又捐公費脩葺中右中後二處倉廩且
接兩差辛苦尤最而邊情夷情最爲諳練一鎮
軍民俱愛戴之關內道非本官不克勝任其資

與俸實深又苦差有例且捷功加級已奉

俞旨應得副使之職就近陸補庶輕車熟路朝

聞夕下之爲愉快也擬合咨會除會吏部調補外爲

此合咨貴部堂煩照咨內事理希將王楫所遺

員缺選相應之人題差等因到部送司該本司

查得寧遠餉司原係題定一年爲滿今王郎中

於崇禎元年五月二十二日到任至二年閏四

月二十二日已足一年隨該督師題留管事今

因關內道缺出督師移咨吏部就近調補已該

吏部覆奉

欽依所遺該司員缺合題差蔣幹司官一員前去交代等因呈堂奉批准委主政王四聰往代仍照例題加正郎職銜奉此具題間續奉本部送據河南司主事王四聰呈爲懇乞代題送親歸里以全子情事內稱寧遠一差人皆畏而不前四聰素性急公伏蒙差委敢不肩承但四聰有母七十九歲不便出關勢必親送回籍往返不過月餘若在京候

勅亦必時經月餘寔於交代無悞懇乞准呈代題給
假送親等因到部送司相應一併具題案呈到
部該臣等看得寧遠當夷虜之衝餉司寄三軍
之命其中支放欲核弊竇欲清與督師呼吸相
應共佐捷伐以奏蕩平之績者皆於餉司是賴
故臣部於此官舊例不論俸序惟擇其才望最
著者充之其報竣也亦論勞不論俸必優陞而
司以酬之今郎中王楫清幹有聲勞深績著已
經督師程才量能就近陞補關內道則繼此而

往者可不精選其人乎查得本部河南司主事
王四聰質幹魁梧起家民社曾差河西鈔關監
收船料約已奉公解踰常額臣部於考覈疏中
謂本官才幹敏練而不徂於積習操持廉介而
不隳於塵紛非虛語也且剝運漕糧刻期竣事
是皆隨試而輒效者當此衝邊吃緊之地使本

官腳

命持籌必能勝其任而無忝且人多視關外爲畏途
而本官急病讓夷慷慨不辭亦足以明忠貞之

素志矣但本官有望人之母難以同携出關
欲給假月餘送母歸入里門卽叱馭出關及查
本官原籍山東途路不遠往返不過彌月况候
部覆及領

勅書亦得月餘雖王事靡盬不遑將母然臣于至情
計亦

皇上所俯恤者既經該司案呈前來相應題
請恭候

命下臣部移咨吏部將主事王四聰照例陞山東司

郎中職銜註差專理關外糧餉一年滿日照例
優陞藩臬行文翰林院撰兼管本折兵餉

勅書一道兵部給與應用夫馬勘合火牌仍准本官
給假一月卽

陞辭送母回里徑往關外交代其應給

勅書容臣部差官代領齋送庶

國事不悞而子孝臣忠兩得之矣崇禎二年九月
十七日具

題本月十九日奉

聖旨是欽此